

ادبیات عمریه مجبوری

هفته‌لق سیاسی ، ادبی و علمی غزته در .

جلد : ۱

سنه : ۱ ۵ ربیع الاول ۱۳۳۵ جمعه ایرتسی ۱۷ کانون اول ۱۳۳۲ نومرو ۹

سفارتنامه آمدی غالب افندی

الحمد لله الذي هدانا لهذا السلام وايد الدين القويم المبين بالتأييد التام والصلوة والسلام على نبينا محمد سيد الانام قال الله الصلح سيد الاحكام وعلى آله واصحابه الذين هم اولو السعادة وعالي المقام وبعد بو عبد محتاج الطاف ومواهب حضرت واهب سيد محمد سعيد غالب حسب الاستطاعة والمكاسب بو وجهله اشعار مشهودات واخبار معلوماته راغب كافة واقعات زمانيه مقتضاي تصاویر ازليه اولوب هربرينك مقدمات ونتائجنده احكام خفيه اولغله الله كشمش آتمشدر آني ايمه جدل تيغ لايستل عمايفعل مآلى باصدق حال اولوب دولت عليه ابدى الدوام صانها الله تعالى الى يوم القيام ولمع انوار شوكتها مادام الليالى والايام ايله فرانسه دولتي بيننده اوچيوزسنه مقدارى اثار مصافاة جارى وعوارض وتغيردن عارى اولديغندن بشقه معلوم خواص وعوام اولدينى وجهله فرانسه دولتي مبدل جمهوريت اولدينى هنكامده دخى مرعى اولان عهد سابقه على حالها ابقا اولندقدن صكره اقليم مصر ندره العصر ماده سيلاه وضع انامل تعرضات باعث انفساخ شيرازه مسالمات اولمق ملابسه سيلاه بيك ايكي يوز اون اوچ سنه سى محرمى او اسطنده مصرى استيلا وقوعنده اول امرده طرف دولت عليه ابد مدتدن سرعسكر تعيين وارسالى وبعده سنه مرقومه ذى الحجه سنده حسب الاقتضا توفيق ربانى در سعادتن برأ مختصر اردوى هايون ظفر مقرون وايرتسى سنه دخى لزوم مصلحته مبتنى قدر يلكن دونماي هايون نصرتمون اسبالى ايله تدابير لازمه اجرا ومتفق سلطنت سنه اولان انكلتره دولتي جانبندن دخى طرف مصره سفارين وقره عسكرى ارساليه بالاتفاق استرداد اولكاي مصر معايتنا اولتمش اولغله بعنايت الله الملك القدير اطراف وحوالى سى حرباً وتخليه نزع وتسخير اولتمغين اون التى سنه سى اقليم مصر يه قبضه تصرفه آلنديغندن اسايش رعاياني متبع اولان مصالحه يي دخى اعاده يه طرفين رضاداد اولديغنه بناء بوفير كثير التقصير ركاب هايون ميمتمقرون امد جيلكى خدمتده مستخدم ايكن سنه مذ كوره شهر ذى القعدة الشريفه سنك

تاریخ حرب

[۸ - ۱۴ کانون اول ۳۳۲]

عموم جبهه حربلرده سکون وار . قیشک بوتون شدتیه اجرای حکم ایتکه باشلادینی شو صیراده ، ملل محاربه بربرلرینه نه قدر خصوصتدار اولورلرسه اولسونلر ، تعطیل حرکاته و هیچ دکلسه تخفیف فعالیتیه مجبور اولورلر . اوچ سنهک تجربه لریمله آ کلا یورزکه قیش محاربلر ایچون براستحضارات ، بر ترام قوا دوره سی اولور و طوپلارنان شیلر بهارده و یازده صرف ایدیلور . آنجق قیشینده بوسوتون تعطیل فعالیت ایتیه رهک پلاننی اصولی بر طرزده تطبیق ایده بیان بزم طرفزدر . نیته کیم کچن قیش صربستان وقاره طاغک ، بوقیشده رومانیا ناک استیلاسنی کورو یورز .

غرب جبهه حربنده کچن هفته فعالیت حریبه بوسوتون آزالدی . ایبرده ، آراسده ، صومده ، شامپانیاده ، ووژلرده یالکز لثم وقاره غول ، کشف محاربه لری اولدی . فرانسه لرک ، حساس خلقی اویالامق ایچون کیریشدکلرینی کچن نسخه مزده سویله دیکمز (وردون) تعرضلری دوام ایتهدی . فرانسه لرک ، کچن ایلک بهار حرکاتنده آلمانلرک الله کچمش اولان وهنوز اونلرک الله دوران بر قاچ کوی و بعض تپه لری دها کری آلق ایچون وردونده یکی تعرضاته کیریشوب کیریشه مهیه جکلری بیلنه مزسه ده ، بو حرکاتک بر سعه سوق الجیشیه آله مایه جنی شیمیدین تخمین وادعا ایدیله بیلیر .

ایتالیا جبهه سنده صوک هفته سکون مطلق حکم سوردی دینه بیلیر . یالکز آوستریا طورپیدو محاربلرندن دوت دانه سی اوترانت قانالنه موقیتلی بر آقین اجرا ایده رک ، عودتلرنده یوللرینی کسن آلتی ایتالیان محربه غلبه ایتملردر . آوستریا بحریه سی قارشیسنده ایتالیا بحریه سنک ذاتما نصیبی بودر . شرقده روس جبهه سنده ریغادن قارپاقلره قدرطوپچی وکشف فعالیتلرندن باشقه برشی یوقدر . یالکز جنرال آرشیدوق ژوزه فک شرقی ترانسیلوانیا واورمانلی قارپاتلر جبهه سنده لودووا ، کیرلی بابا ، سوسمه زو ، اویتوز منطقه لرنده روسلرک فعالیت حریبه سی اکسیک اولمادی . فقط دشمن مقهوراً کری پوسکورددی . آرا صیرا موقیت الله ایتدیه بیله اهمیتسز ویا کچیجی اولمشر . اولجه ده سویله دیکمز کبی دشمن شیمیدی یه قدر برشی استحصال ایتکه موفق اولامادینی بوقانلی هجوملردن ، متفقین قوا سنک روملری (سهرهت) نهری خطنک اورته سنه آتدقلرندن اعتباراً ، واز کچمکه مجبور اولاجقدر . چونکه اوزمان اقضای یسار جناحنی محافظه قایغوسی باش کوستره جکدر .

ما کدونیا جبهه سنده سارای اوردوسنک مناستر طرفلرنده فعالیت حریبه سنی آرتق تخفیف ایتیه سی ، بورادن موقیت امیدنی کسدیکنه دلالت ایدر . سارای شیمیدی ، بوتون بویوک طوپلرینی طویران کولنک جنوب وغربنه ، واردار وادیسنه طوپلامش کبی کورونیور . هفته نک بوتون فعالیت حریبه سی بوراده طوپچی آتشنده تمرکز ایتشدی . استروما جبهه سنده بالنسبه آز فعالیت اولدی . بو هفته دخی جبهه لرک اک فعالی واک مهمی رومن جبهه سی ایدی . کچن هفته خبر ویردیکمز وجهله روس - رومن قوتلری (بابا طاغ - خرشوه) خطنک شمالنه دوغری دممدار محارباتی یاپه رق چکیلیمکده دوام ایتدیلر و طرفزدرن تعقیب اولندیلر . دوبریجه نک اورمانلر و بپاقلره

مستور اولان بو قسم شمالیسی ضبط ایتدک . (طولیه) (واسحقچه) شهرلری آلندی . قالان (ماچین) سر کوپری موقعنکده بر ایکی کونده ضبطی مأمولدر . شیمدی دوبریجه تماماً المزدہ دیمکدر . ۲۰ بیک کیلو مترو مربعدن فضله بر ساحیه مالک بوقطعه نك ضبطیله بر دفعه طونه آغیزلرینه حاکم اولبورز . (کیلیا) قانالی آتشمز آلتندہ قالور . سنه و خضر الیاس قانالری المزه کچور . آرتق دشمن بحرأ ونهراً (قلاص - ابرائیل) طرفلرینه سوقیات یاپوب ، افلاق کیرده کی اوردوسی متفقین قواسنه قارشو تقویه ایدہ من . دشمن بوراده کی اوردوسنک نقلیاتی آنجق بسارابیادن و (مولداویا) دن کلن برر دمیریولیه تأمینہ مجبوردر . طونه دن استفاده سی محو اولدی . برده روسلرک آچق ایسته دکلری استانبول یولی اک رصین صورتده قیادلمشدر . دوبریجه ، رومن حربنک بدایتنه نظرأ ، شیمدی مکمل بر مانعه طبیعیه در . ما کنزن دوبریجه ده سربست قالان قوای مهمه بی ایسته دیکی یرده استعمال ایدہ بیلیر . طونه آغیزلری آزقوتله قابل مدافعه در . کورولور که دوبریجه نك اتمام استیلاسی بزم ایچون پک مهم فوآند سوق الجیشیه تأمین ایتمشدر . رومانیانک افلاق کیر قسمندہ ، دوبریجه ده کی حرکاته رغماً سکون واردی . تبلیغ رسمیلر دونه قدر هپ (وضعیتده تبدل یوقدر) جمله سنی احتوا ایدیورلردی . بالتجربه اوکرنک که بو جمله ، رومن جبهه سی محارباتی کی هنوز عسکرلکجه وطبیعه غایه سنه واصل اولامش حرکاتده ، وقوعات مهمه عرفه سنده بولونلدیغنه دلت ایدہر . بناءً علیه بر قاچ کون سکوندن صوکره افلاق کیرده یکی محارباتک باشلادینی خبرلری کلدی . بوکونکی تبایغ رسمیلرده ده ، (ریمنیقو سارات) شهرینک جنوب و جنوب غربیسنده کاش طاغلرک اتمکندہ وقوع بولان محارباتده صوک کونلرده دن فضله اسیر آلندینی و دشمنک فوق العاده تحکیم و عنودانه مدافعه ایتدیکی (بوزه ئو - ابرائیل) تیمور یوللری اوزرنده کاش (فیلیپه شتی) موقعنک روسلردن ضبط ایدلیدیکی بیلدیربلیور . بوخبر ، بزجه ، روس - رومنلرک (ابرائیل - قلاص - فوقشانی) خط مستحکمنی آرقیه آلارق و صاغ جناحلرینی (ریمنیقو) نك غربنده و جنوبنده کاش جباله ، صول جناحلرینی طونه یه استناد ایتدیره رده ک بوتون قوتلریله سهرت نهری جوارنده ویره جکلرینی تخمین ایتکده اولدیغمز میدان محاربه سی باشلامشدر ، معناسنه در . بزکچن نسخه مزده دیمشدک که : « مملکتلرینک کوچوک بر پارچه سی اللرنده قالان رومنلر قدر روسلر ایچونده بو (سهرت) خطی محاربه سی مهمدر . چونکه کرک بسارابیا روس اراضیسنک و کرک بوقوویناده ایلری چیقمش روس قوتلرینک طالعی بو محاربه نك نتیجه سنه باغلیدر . » فی الحقیقه شیمدی جریان ایتکده اولدیغنه شبیه ایتهدیکمز و بزم موفقیتمزله باشلایان بو میدان محاربه سی رومانیانک صوک طالعی تعین و روسلرک بسارابیایه چکیلده سنی انتاج ایدہ جکدر . کچن هفته ، کورونن سکون اوزرینه ، رومانیا حربنک آرتق توقف ایتدیکنی ظن ایدہ نلر اولدی . فقط بز یوقاریده ده اشراب ایتدک که ، رومانیا محارباتی هنوز نه طبیعی ونه سوق الجیشی غایه سنه واصل اولامشدر . بو کونلرده هر حالده عراق آور و سوق الجیشجه پک مهم محاربات کوروله جکدر .

بو صوک هفته عثمانلی دار حربلرینک بعضلرنده ، از جمله عراق و ایران جبهه لرندہ اولدقجه فعالیتله کچدی . عثمانلی اوردوسی وطنی کرک دوغروندن دوغرویه ، کرک اجنبی مملکتلرده کی جبهه لر مزده دولایسیله مدافعه ایچون وظیفه سنی قهرمانانه ایفا ایدیور .